

東華錄

康熙五

臣王先謙敬編

臣周潤綸恭校

康熙四年乙巳春正月壬辰以郝惟訥爲左都御史

由吏部左侍郎遷

甲午諭兵部督捕衙門向因滿洲舊家僕資生若立法不嚴必致盡行逃走不得已嚴定窩逃之法非欲以逃人之故貽害於民也今聞各地方奸棍結黨詐害報讐或指逃報部從番全虛或指稱某家窩逃審虛復扳別家或逃檔無名復改易名姓或自稱逃人解部無人識認或棍徒在地方犯罪逃京投旗希圖免罪或地方官拏獲重犯因誑稱逃人不敢加刑遣延綸網或解役與逃人結黨沿途搶掠肆行無忌或地方官唆令逃人指扳富室巧行嚇詐此等株連蔓引冤及無辜餓死道途瘕癯監獄實屬可憫何以立

法使迷人可獲奸棍不得肆恣小民不受詐害著議政王貝勒大臣九卿科道確議具奏○丁酉御史季振宜奏停止考滿三疏一言自行考滿以來臣見部院大臣上疏台陳不過鋪張履歷功績博朝廷表裏羊酒之賜至各堂官考覈可屬朝夕同事孰肯破情面秉至公其中鑽營奔競弊不勝言此今自尚書以下悉按品升補與考滿全無關涉且自正月至四月皆自陳考滿之日一人一疏以數千計加之六部覆奏殷繁諸務叢脞弊從此生請停考滿之法申飭羣工循名責實安心辦事止照俸序升轉庶息躁進之風一言外官考滿改入法科條以五等爲優劣數年以來其弊尤甚卽如州縣官由府廳至督撫經五六衙門考覈各上司豈盡不受賄賂不徇情面一憑公道品隨優劣者乎若層層駁級州縣力不能堪勢必侵欺國帑刻剝小民以賄屬上官希圖越俸升轉相

習成風莫可挽回請嗣後直隸各省不肖官員止責督撫不時糾劾其任內無參劾註誤者吏部照俸升轉一言武職考滿副將以下莫不營謀優等武官無錢糧可以侵那勢必扣剋窮兵糧餉設有意外賊盜綠旗窮兵精力消於飢寒器械罄於典贖貽誤封疆不無隱憂請嗣後凡歷俸深功次多者兵部按籍升轉其生事擾民不修營伍侵蝕兵餉者令提督不時糾參得旨考滿之典原欲分別賢否以示勸懲近因內外文武各衙門考覈各官多係優等劣等甚少故有旨改爲三年彙考據奏各官徇情鑽營等弊且章奏繁擾實於勸懲無裨著議政王貝勒大臣九卿科道會議具奏

○加陣亡福建提督三等侯馬得功爲二等侯子祭葬諡襄武○

己亥諭戶部兵部各省設立關稅原期通商以裕國用向因錢糧不敷故定例將抽稅溢額者加級紀錄以示鼓勵遂致各差冀邀

恩典因而騷擾地方困苦商民殊屬不合嗣後稅課俱照定額徵收缺額者處分溢額者加級紀錄之例永行停止其輪流差遣部員亦應停罷並稅課作何徵收著議政士貝勒大臣九卿科道會議具奏○辛丑封承澤親王碩色之子博翁果諾爲惠郡王○癸卯裁六科滿給事中各二漢給事中各三○甲辰議政王大臣等遵旨議覆御史季振宜停止考滿一疏應如所請嗣後各官升轉照舊例論俸部院滿漢官有不稱職者各堂官查參直隸各省文武官有不稱職者該督撫提督不時題參其自陳各官均應停止得旨內外文武官考滿依議停止向有京察之例以改行考滿停止今既停考滿京察之法應否復行著再議以聞○戊申山東巡撫周有德奏請復孤貧口糧舊額以恤無告得旨直隸各省孤貧口糧前因大兵出征錢糧不敷暫裁扣充餉今後仍著照額支給

地方官務期盡心給發俾得實惠違者察出治罪不貸○己酉轉

冀如錫爲工部左侍郎以杜篤祐爲工部右侍郎

原任戶部左侍郎

○庚

戌以太常寺卿推升侍郎過優著停止○福建總督李率奏閩

海廈門各島前已蕩平惟南山鎮海佛潭橋一帶餘孽盤踞總兵

官劉進忠等進勦於三年九月初四日親統官兵陣斬逆賊七千

有奇招撫男婦一萬三千餘名在事有功人員應請議敘下部議

○辛亥議政王大臣等遵旨議覆復舉京察以何年爲始請旨酌

奪得旨自康熙四年起以後每六年將內外官員考察一次○吏

部遵旨議覆欽天監滿洲監正監副同部寺官一體升轉得旨欽

天監事務必須久任乃能習熟不必照例衙門一體升轉如年久

積功加伊應升職銜永著爲例○乙卯調朱之弼爲吏部左侍郎

由戶部調

○是月免浙江慈谿等五縣江西南昌等四十一州縣去年

被災額賦

二月己未廣東潮州總兵官許龍奏舟師直抵碣石逆賊蘇利勢窮逆屬及偽副將陳耀等就撫獲賊艘九十七隻○壬戌轉艾元

徵爲戶部左侍郎以嚴正矩爲戶部右侍郎

原任

○癸亥轉郭鳴鳳

爲江南左布政使

由廣東右布政使轉

○乙丑吏部奏舊例外轉都給事中

以副使道用今都給事中左右給事中散給事中各銜俱已裁去

相應將給事中外轉者俱以僉事道用得旨所此之都給事中與

今之掌印給事中相同仍著以副使道用○己巳平西王吳三桂

奏總兵官李世耀等三年十一月自烏蒙進征水西安坤悉衆來

拒我兵大破之於波羅箐追至法地生擒安坤蠻方大定下部優

敘又奏本年正月各鎮將勦擒安坤黨羽安如鼎及煽惑安逆之

僞黔陽王皮熊下部議敘○彗星見女宿度○壬申平西王吳三

桂奏官兵進克烏撒土酋安重聖安重坤俱就擒○暹羅國王森
列拍臘照古龍拍臘馬噶陸坤司由提呀菩埃遣使入貢○丁丑
喀爾喀巴爾布冰圖台吉來歸封爲多羅貝勒○諭吏部兵部廣
東逆賊蘇利反叛地方官多壘罪戾今思蘇利以投誠住居內地
倉卒叛亂與外來賊寇失於防禦者不同且當蘇利反叛之際該
省王及將軍總督提督即以本省兵力將逆賊勦滅地方蕩平其
係蘇利反叛一案凡地方大小各官之罪俱著寬免○戊寅吏部
議覆處分敘州府失守各官一案得旨敘州府馬湖府係新闢地
方盜賊衆多故將道府各官未經全設止一推官署兩府之事當
逆賊侵犯敘州府時署府事霍焜署宜賓縣事董顯各率家丁衙
役出城緝捕身受重傷子姪皆被賊殺又旋將失城恢復及逆賊
分犯屏山慶符二縣知縣王敬公迎戰東關射死賊鄉學賢身中

五箭知縣沈彪出戰於教場手刃賊方茂伊等俱在寇亂地方尙
屬效力有功不應議罪又署道各官星速調發兵馬措運糧米與
官兵協力恢復搗穴擒渠此等官員俱應議功今將霍煜等俱議
處分未合著一併再議具奏○癸未以盧興祖爲廣東總督由廣東巡撫
○都察院奏浙江山西山東陝西四道添設滿洲御史四從之
○丙戌以彗星見詔臣工言闕失○是月免江蘇太倉等五州縣
去年被水額賦

三月戊子午刻京師地震有聲○辛卯以星變地震肆赦免順治
十八年以前逋賦○以山西去年旱有司不時上聞致饑饉失所
詔吏部議罪免管省積逋及今年賦○金星晝見○壬辰詔州縣
收夏秋稅糧毋隔年豫徵以紓民力○甲午以王來任爲廣東巡
撫原任鄧陽撫治○免福建鹽課積逋○丙申裁漕儲道○戶部奏凡被

災地方夏災不出六月秋災不出九月各撫具題差官履畝踏勘將被災分數詳造冊結題照分數蠲免但本年錢糧有司畏于考成必已敲撲全完則有蠲免之名而民不得實惠以後被災州縣將本年錢糧先暫行停徵十分之三候題明分數照例蠲免從之○戊戌給事中楊雍建奏戶部議將康熙四年江浙二省運解三年分白糧正耗盡行改折以充兵餉每石照例折徵銀二兩夫米價隨時高下比年江浙之米每石價值七八錢而止今改折二兩加以火耗勒索之費非本色三石不足以完折色之一石且正米之外又有耗辦等米夫船等銀臣愚以爲有本色則有耗辦既已改折矣不應併耗辦而亦折之也有本色則有夫船等銀既已改折矣不應併夫船而又征之也乞敕該撫轉行所屬照時價減徵其溢收者或盡還民間或抵實別項正賦毋使吏胥因緣爲奸並

令該部嗣後勿議改折以累百姓下部確議○以楊天祥爲廣東
右布政使

原任廣東
嶺東道

○庚子廣東總督盧崇峻奏水師總兵官張

國勛等自八月至十一月水陸夾勦會新二縣土寇於百峰山七
村古井等處斬獲無算餘孽悉平下部察敘○壬寅先是江南徽
州府新安衛官生楊光先叩闕進所著摘謬論一篇摘湯若望新
法十謬又選擇議一篇摘湯若望選擇榮親王安葬日期誤用洪
範五行下議政王等會同確議至是議政王等逐款鞫問所摘十
謬楊光先湯若望各言己是麻法深微難以分別但歷代舊法每
日十二時分一百刻新法改爲九十六刻又康熙三年立春日候
氣先期起督湯若望謊奏候至其時春氣已應又二十八宿次序
分定已久湯若望私將參背二宿改調前後又私將四餘中刪去
紫炁又湯若望進二百年祿夫 天祐 皇上祿祚無疆而湯若

望止進二百年。厥俱大不合。其選擇榮親王葬期。湯若望等不用正五行。反用洪範五行山向年月俱犯忌殺事。犯重大擬欽天監監正湯若望劾漏科杜如預五品挈壺正楊宏量。厯科李祖白春官正宋可成。秋官正宋發冬官正朱光顯中官正劉有泰等皆凌遲處死。已故劉有慶子劉必遠賈良琦子賈文郁宋可成子宋哲李祖白子李實湯若望義子潘盡孝俱斬立決。得旨湯若望係掌印之官。於選擇事情不加詳慎。輒爾准行。本當依議處死。但念專司天文選擇。非其所習。且效力多年。又復衰老。著免死。杜如預楊宏量本當依擬處死。但念永陵福陵昭陵孝陵風水皆伊等看定。曾經效力。亦著免死。湯若望等並其子連八等應得何罪。仍著議政王貝勒大臣九卿科道再加詳覈。分別確議具奏。○禮部右侍郎黃機奏制科取士稽諸往例。皆係三場先用經書使

士子闡發聖賢之微旨以觀其心術次用策論使士子通達古今之事變以察其才猷今甲辰科止用策論減去一場似太簡易恐將來士子勦襲浮辭反開捷徑且不用經書爲文則人將置聖賢之學於不講恐非朝廷設科取士之深意臣請嗣後復行三場舊制則士子知務實學主考鑒別亦得真儒以應國家之選從之○丙午太常寺少卿錢經請擇老成耆舊博通經史者數人出入侍從以備顧問下部知之○辛亥予故原任經畧武英殿大學士洪承疇祭葬諡文襄○河南右布政使李本晟以雲南按察使任內錢糧未清令仍回原任○是月免湖廣石首等三縣去年蝗災額賦

夏四月戊午命漢郎中照滿洲蒙古例於員外郎內選才能者補授○增吏部通滿漢字主事一○己未以金鑄爲河南右布政使

由郎中遷

○議政王等遵旨再議湯若望杜如預楊宏量潘盡孝及案

內千連人犯等俱責打流徙餘俱照前議得旨李祖白宋可成宋發朱光顯劉有泰俱著卽處斬湯若望杜如預楊宏量責打流徙俱著免伊等旣免其湯若望義子潘盡孝及杜如預楊宏量千連族人責打流徙亦著俱免餘依議○庚申予故原任大學士甯完我祭葬諡文毅○丙寅左都御史郝惟訥奏凡被災地方查勘之後地糧免若干丁銀亦應免若干恩澤均沾貧民有更生之望下部知之○戊辰命補授部院卿貳督撫等官仍行九卿科道會推測○己巳安徽巡撫張朝珍因星變求言之詔條奏三事一說事過錢與受財人同罪新例未當一大功以上之親容隱叛犯婦女皆擬流徙於律義有悖一流徙人妻子無罪與犯人同解情有未忍此後願留願去聽從其便下部知之○丙子廣東總督盧崇

峻奏香山縣知縣姚啟聖招撫蠅寇黃起德等四千餘人下部察
敘○辛巳以山東濟南等六府旱遣官賑之

五月辛卯以歸州巴東等州縣劇寇初平流民復業者予牛種○
丁酉定直隸各省總督報災遲延照巡撫處分例○己亥山東總
督祖澤溥以疾求解任允之○辛丑以江南淮安鳳陽直隸大名
府旱發粟賑之○癸卯河南總督劉清泰以疾求解任允之○丁
未議政王貝勒大臣九卿科道會議吏部奏請裁併督撫一疏得
旨湖廣四川福建浙江四省仍各留總督一員貴州總督裁併雲
南廣西總督裁併廣東江西總督裁併江南山西總督裁併陝西
直隸山東河南設一總督總管三省事其鳳陽巡撫甯夏巡撫南
顏巡撫俱裁去伊等應駐何地著確議具奏○庚戌以水西初定
給民牛種並發粟賑之○壬子吏部議覆平西王吳三桂奏水西

地有十一則溪應設三府將隴勝的都朵你阿架四則溪設爲一府建府治於比喇將法戈火著木膀架勒四則溪設爲一府建府治於大方將以著則窩雄所三則溪設爲一府建府治於水西城原設分巡畢節道應改爲整飭三府分巡貴甯道兼管永甯赤畢等衛駐紮比喇三府應各設知府一通叛一經歷一司獄一儒學教授一內比喇再設推官一承理三府刑名大案其三府應易新名卽令該藩擬定具題從之○癸丑戶部議覆平西王吳三桂奏僞總兵羅大順投誠其原管地方應編入貴州新添衛土田照例科糧從之○是月免山東樂陵等十一州縣去年旱災額賦

六月丙辰朔調朱昌祚爲直隸山東河南三省總督

由福建總督調

○河

南宣武衛世襲一等阿達哈哈番鄭勳國奏乞錄功臣後裔敕部試用兵部議向無襲職入簡之員自請敘用之例不准所請得旨

鄭勳國自願效力著照所請行又此等有世職官員願效力者爾部酌量具奏錄用○戊午免山東今年租賦○庚申以劉景榮爲

江南按察使

由河南南汝道遷

○千戊吏部議覆福建總督李率奏漳

汀地方遼闊請以守漳道仍駐漳州巡建道仍兼轄延平守建道

自建甯府改駐汀州兼轄邵武從之○乙丑詔湖廣西山軍前運

餉人夫死亡者同居父兄弟給復一年○丁卯以僞永歷下僞

荆國公王光興自湖廣施州節帥領僞邵督等官四百六十五員

兵七千餘名家屬一萬餘人傾心投誠授左都督加太子太保賞

賚有差○戊辰免水西徭徭招墾成熟後起科○己巳吏部遵旨

議覆廣東廣西總督應駐紮肇慶府江南江西總督應駐紮江甯

府直隸山東河南三省總督應駐紮大名府山西陝西總督應駐

紮西安府其雲南貴州總督駐紮之處令平西王確議適中之地

具題到部再議從之○平西王吳三桂奏雲南省城進東十會王
耀祖等窺臣遠征水西本年四月竊據新興偕號大慶謀犯省城
分遣賊黨王義齊正陷易門攻昆陽河西甯州土酋祿昌質陷甯
州攻江川通海宜良窺激江府嶠峨縣土酋祿益陷嶠峨僞開國
公趙印選攻彌勒龍韜等攻石屏謀犯廣西王明李世藩等攻臨
安府城滇南震動總督卞三元巡撫袁懋功提督張國柱等調兵
分路勦捕所至克捷臣聞警回滇四月初七日擒王耀祖於新興
破其巢大營城進援易門復其城盡俘其黨王義等分遣左都督
何進忠等敗賊於宜良縣之竹子山復甯州祿昌賢已先遁總兵
官王輔臣等援彌勒破賊木城九座於彌勒城下擒趙印選副都
統高拱宸復嶠峨救出知縣孫衍慶等總兵官趙得勝等解石屏
圍龍韜敗去總兵官嚴鎮援臨安土司李阿側遣兵助戰大敗王